

吳

興

詩

話

吳興詩話卷十

烏程戴璐蕨塘輯

高孝廉

文照

字潤中號東井植子自幼隨任九江作懷

古詩出語驚人久遊江左集已哀然乙酉拔貢甲午舉人乙未歿於京師無後其閭清山房集爲友人分藏今沈舫蠡升嶠示三冊錄其九江懷古之最貞元進士拾

遺官再貶江州亦可歎詩到元和多諷諭人歸洛下盛衣冠樊桃蠻柳他時老苦竹黃蘆此地寒抗疏十年遺草在海山休作散仙看自古勤王奉檄行稱兵犯闕爾何名老年作賊王敦敗壯志澄清祖逖更烽火赤連樊口樹旌旗紅接秣陵城可憐甘萬江邊骨不怨懷寧怨

夢庚尤極蒼涼悲壯他如西湖金陵揚州游覽之作多
發前人所未發前溪玉湖棹歌於家鄉故蹟蒐采無遺
逸才曠世惜不永年

先於汪訥菴

啟淑

水曹清暇錄載送方比部

昂

詩云吹

來好語過西冷傾倒尊前眼共青名士不虛生歷下賭
詩曾識畫旗亭點開眉目妝逾淡洗出峯巒鶯亦靈疑
是湖山要擡舉蘭舟又繫白蘋汀仙曹署冷且休嗤回
首科名摘領髭暫乞身隨鱸鯉釣不由官是白雲司鷓
鸞北闕應求侶鷗鷺南湖未可期姑讓君家三拜客綸
竿穩傍子陵祠雲天誼肯照蓬蒿敢說磁鍼結契牢青
紫勲名備覓芥丹鉛事業鎮焚膏看花小隊霜蹏騁說

劒中宵夜月高但許爲龍共追逐孟窮須不棄韓豪分
龍雨過水漫漫送去江行五月寒煙柳六朝留建業文
章千古屬都官曾憐鮑照真才子況有袁絲老將壇料
得登臨同話我舊遊一一認憑欄方贈詩云貧多遊覽
懷應壯少不窮愁句自工聞邵二雲晉涵周林汲永年

戴東原

震

余秋室

集

諸君徵修四庫全書卻寄詩云丹

綽旁求石穴書普天光氣吐蟬魚洽聞端賴終軍豹薄
技空慚黔地驢亡去篇增安世篋載來學富惠施車諸
公袞袞承天詔一夜都空風雨廬太史香凝古俎尊弦
弦清折映春溫六經到底難高閣八覽居然在國門此
日桓榮方得力舊時董子絕窺園百川派別同歸海休

問江河清濁源跋扈飛揚定孰雄
搶飛斥鷃讓冥鴻席
曾累坐詞休難經到縱橫文也工
得解義圖三易外成名符讀一詩
中懸知遇合關天數咫尺驂騑北地空
萬函都聚太清藏四部騰來策府光
未惜裏蹶償竹素儘容麟筆埽縑緇
校從藜閣香開帙貯以巾箱玉識章
多少人傳中祕事略如名將慕龍驤
漢廷講德會諸儒劍氣驚看動鹿盧
漬墨磨丹分几硯同和異器奏笙竽
雍容掛讓周三雅班駁文章夏六瑚
回首青熒燈火地荒江風景不堪圖
屈指浮生幾甲寅孤生天地一微塵
魏收木榻經穿久劉勰雕龍自鬻頻
曠典千秋遭聖世空山四壁有逋臣
大官廚味寧多羨珍重青藜照讀人

隨園詩話載見贈云萬壑千峯裹一門仙家住老百花
村重開朱戶樓臺出未改青山面目存執手各探新得
句驚心難定舊離魂憐才誰似先生切替拭襟前積淚
痕宏獎何人得到斯文章風義一身持眼無後起偏憐
我座有先生敢論詩轉柁風看收柁候在山泉話出山
時才名官職誰多少未要區區世上知此身幾肯受人
憐低首爲公拜榻前不朽文章傳郭泰得聞絲竹許彭
宣女嬃詈予申申日鄧禹嗤人寂寂年想到平生知己
報商量只有祖生鞭其他佳句如過衢州云水回雙碓
落灘急一篙爭壽山菴云一磬隔花出片旛當殿陰送
人云且將一點思鄉淚灑向君衣好奇歸贈方子雲云

門外市聲三日雨簾前風色一牀書過阮懷寧故宅云
鳥語尙疑偷法曲池波無復照明妝詩選入幽光集聞
秋帆制府選入吳會英才集東井其不死矣隨園輓句
云二十萬言書誦畢八千餘紙手鈔忙不知一片心頭
血客邸誰收古錦囊目空四海無前輩心折千篇有老
夫此日等身諸著作九原抱著見韓蘇

東井心折蔣荅生詞曲題桂林霜云一領宮袍裹御煙
星軺催下夜郎天平生食肉班超相閒過人閒卅六年
一顆關防值甚錢擲來漢殿角猶全詎知袖裏司農印
日與樓頭笏並懸土窖曾聞齧雪瓊新開土室苦拘攣
是霜是雪原無別卻羨蘇卿返國年元和書腳魯公筋

不是拳痕卽爪痕誰信圓扉清課在烏闌紅袖月黃昏
夢破全家午夜鐘不煩慷慨有從容怪來瘴墨吹都散
七朵蓮花倚七峯題四絃秋詞云常怪彼蒼忍把江河
都成淚疑算無古無今兩條玉筍爲官爲賈一塊紅冰
長慶詩人善才弟子嗚咽相逢別舫燈鯤絃絕惹一場
痛哭月湧濤崩孤亭記我曾憑認千里波連下馬陵
怪如許秋光幾人吟弔者般傀儡若箇翻騰偌大才情
淋漓史筆重寫青衫老白丞休多訝看當歌鉛水誰減
誰增沁園春

畢秋帆尙書選高東井

文照

詩謂相其生氣如接美襟

其愛慕如此如趙北口云風欲戰時蒲獵獵月將生處

柳條條過吳江云灘傳語鴨空拋彈水到垂虹盡入湖
廣濟寺云雙扉畫闔寒煙外一磬秋飄落葉中新秋湖
上云楊柳短長離思亂芙蓉開謝酒人疎天機活潑足
見其倜儻之概法梧門詩話采之

談承恆

字慶蟾起行孫乾隆乙酉拔貢廷試後卒於京

工詩古文爲錢茶山司寇欣賞同選如許春巖方伯祖

京

章湖莊太守銓

高東井宋瑞屏皆知名士瑞屏

維藩

久客皋蘭幕府嘗與東井避暑峴山東井詩云高逸不
可返青山尙此堂風流去千古一碧澹川光蘚上顏公
桂花飛李相觴同遊無熱客容我話滄浪

嚴安村

諱泰

字念祖我斯從曾孫癸卯進士夢元子續

學未遇終國子生以二子

鳴饒

作宰封文林郎與先君

同硯莫逆輓詩云世好枌榆舊心交金石堅情芬同翰墨勝賞共林泉自異升沈路因分南北天生離更死別回首總茫然晚客正定作懷歸吟五十首詞旨淒惋余作題詞

徐良菴

文心

字寶華歸安諸生幼負雋才試輒高等久

困棘闈有句云一天霜雪寒梅秀不共芙蓉怨素秋雨窗云半生空自許四十尙無名拜孫太初墓云得得過三徑高人墓在斯古碑微有字老樹半無枝疏磬夕陽外歸雲雨霽時履綦渺何處瞻拜起遐思子璋中壬子副車遺詩名甲六集多淒楚之音

胡歐菴

世巽

字以權烏程諸生居市陌路闢閒詩特

清婉年未四十而歿友人刻其遺詩輓高東井云他鄉
作客長千里半世科名只二年謁伍胥祠云越絕漫誇
君子甲吳中長記大夫簫淮陰侯云事去宮庭誅國士
時來婦女識英雄與丁秋水

浴

陳蓉裳

文煜

楊拙園

知

新

友善多倡和拙園持遺稿贈余摘其佳句如斯長歌

尤豪放施北研

國祁

題後靜裏維摩聊示疾憤來元晏

竟成狂騷壇未省千巖敵酒壘爭鑒太白雄

戴昌基字紹求余堂兄也少隨任四川未及試以例授
桂林司獄調思恩年四十四卒在粵僅示四律歸來搜
得遺草方知其刻意爲詩跋以待刻其別感用漁洋韻

云桐花夕照愴離魂一葉扁舟出北門水驛雲開似燕
影山房雨過闌苔痕空懷碧浪湖邊宅獨向黃茅瘴裏
村江上何人吹折柳不堪鄉思笛中論

秋樹山房

愁生一夕

鬢邊霜萬里南征別柳塘道路長教瘖去馬琴書那識
典傾箱無煩錦字遙傳寶祇恨牛衣久泣王澤畔高樓
君莫望綠楊春滿太和坊

寄內

旅館孤燈淚溼衣寒宵擁

被夢全非西陵獨悵淒風阻南陌偏愁落葉稀鴻雁有

謀雲外散鵲鴿何事隰中飛他年漫訂連牀約煙雨菰

蘆莫久違

寄七兄九弟

明星曙後劇堪憐樹杪依稀鎖曉煙

路繞三湘人況瘁書還萬里意纏綿竹林嘉會思前事
柳絮清吟憶往年愧我窮途無妙策空將淚灑白雲邊

寄兩姪女 又寄姪女云瀟湘水外一身孤日日登樓望五湖

萬里頻傳消息好囊空羞澀杜錢無錢郎返舍憐幽竹
賀監還鄉惜鏡波雪水他年歸有日不知風景更如何
女一適吳蠡濤觀察 俊一適閔裕仲編修

張紆五

文綬

心柳丈子與弟舟六

文彝

爲名諸生余知

心柳丈有吳興文錄之選郵書訪問紆五鈔寄并侑以
詩云幸值詞壇事網羅傳鈔點畫辨其譌干將在匣終
須出白璧無瑕未敢磨光燦文星期遠到名登蕊榜豈
能多感深家集遙詢及共託鱗鴻達潞河余和答云早
聞行笈愛蒐羅夙昔心期效訂譌匣裏夜光寧久閤璞
中朝采不教磨詩傳秋水源流正地仰蘇臺感慨多珍

重析薪知有託懷才休歎真之河君終不遇以誤投藥
殞身舟六今貢入成均

德清徐師愈字景韓號謹菴世居麻溪里幼繼伯啟明
爲嗣性至孝家貧恃脯修以養書館距家十餘里早晚
徒步往來以承色笑有早行詩云侍膳常擎夢裏杯紙
窗初白夢初回曉寒怕切倚閭望一路濃霜踏翠苔父
多病謹菴侍奉湯藥必躬必親暮年復病兩目不見物
眶周潰爛百藥罔效謹菴晨起輒以清米飲漱口舌舐
數百度未幾稍稍有驗覩物如雲霧中私心竊喜每東
瞰欲出卽候臥榻前俟睡醒舐之不懈益虔不數月炯
然復朗矣族黨咸嗟歎曰是固爲人後者而事親不異

於所生且有加焉非至性過人而能若是哉子明經玉

樞爰請沈芥舟秀才

宗騫

繪晨窗砥目圖以彰其實爲

之題詠者名作如林今略錄其最佳者仁和孫文靖公
云朝飮日暮飮日父苦盲我心慙金鑊刮目古有之以
舌飮日初無師初如堅城不可摧重關扃閉無由開舌
與周旋往復來積日累月相沿洄旣如寶鏡遭淪沒菱
花出土半欲滅一朝天笑開電光埽盡浮雲得明月俄
驚雙瞳秋水清眼前黑白原分明試眺千里見豪末世
閒有目翻成盲從來至孝感神鬼十月剖冰躍紅鯉何
人爲和飮目歌留取芬芳照青史又會稽宗芥颿大令
聖垣云天三光人兩目鏡鏡而燭燭三光明百物生兩

目失百事息長夜漫漫燈亦漆吁人生生氣絕一解

百疾藥蘇目疾以藥益枯爛霞浸水浮雲障虛暈白亂
黑交光模糊一夜眼花落睚閒築城郭那得更生王彥
若二解孝子淚浪浪下牀倚裳上堂羹湯早晚引杖扶

將求醫醫不良禱天天路蒼父兮目盲子兮目張思欲
代父無力償淚浪浪三解孝子千萬思目以翳黑黑在

皮其中輕脆如琉璃去翳怕傷目胡不以舌爲藥善變
舌不移舌爲心苗誰不知舐之舐之無失時何嘗以舌
舐直是孝子心感之亦是一種心藥醫四解今日舐明

日舐父目不明舐不止中夜旁皇待天曉又怕雄雞鳴
太蚤窗紙露白初罷燈一日十二時此時好在旭日昇

東方漸明光騰騰

五解

初舐涼雪融再舐神水通千舐

萬舐生清風吹開七里霧豁然濯魄冰壺中父執兒手
笑視兒口舌在否大歡喜舌在斯足矣孝哉何必親生
子

六解

宋有孝子龐天佑教授江陰中其父病雙瞽舌

舐還其瞳又有王思聰亦以妙舌貪天功後先輝映孝
感同千秋復見徐家翁爲題是圖貽采風姓氏香補

國史德清城麻溪里謹菴先生真孝子

七解

同邑蔡紫

岳大令

亮茂

云割肝剜心療親疾奇行矯矯光於日毀

傷毋乃非人情流傳史冊譏其失駒王之裔至性渚冲
融色養蘭陔春一旦高堂藥鑪畔別奏方術功通神琴
瑟不御笑不矧愁絕阿翁翳生眵秋水忽驚沙磔投古

鏡乍埋土花隱仲景已死思邈仙安得朱映目神全其

天徐公孝思挽造化捐棄玉版金臺篇刀圭鍼砭力不

到舌與目接骨肉緣漱以華池塵垢潔滌茲玉泉障霧

縑定是釋氏珊瑚舌借與君家作剔抉不然正倫舌神

空有權未必青蓮照寥泝如來有蓮花眼窗外雞鳴曙色開三

閱此圖心欲摧褰帷倚榻最堪憶何須詩廢蓼莪來

沈孝廉環字皆山春煦子乾隆丙午舉人工書入都取

教習會家難憂憤而歿病中賦孤雁曲七古閱者傷之

徐中翰秉愿字恭生柳樊大令長子有官不仕爲人蕭

灑塵壺之外家居讀書課子詩才清妙綽有家風余乙

卯南歸見友人壁上送春四首莫將荏苒怨東風花信

更番過眼中涉境曹騰拋白日費人忙暇判離衷百年
心事頭顱改一夕閒愁尊酒空起向斜陽頻悵望天涯
何處駐歸鴻驚眼園林景物新綠陰圍翠淡螺皺煙中
新篠自成趣枝上殘花如故人忽暖忽寒鳩喚雨乍疎
乍密絮隨人憑闌休唱司勳句且醉觥船日幾巡時光
九十去漫漫人臥重簾感百端到眼棟花添客恨壓枝
梅子對心酸因緣未了鶯囀急香色都消蝶夢殘若倩
游絲能綰日酒懷應得百年歡傷春卻怕隨春老瘦盡
鶯花若惘然箏管漸虛紅燭夜酒樓空繫綠楊船桑陰
繞屋濃於畫溪水無波碧勝泉借問歸從何處路斜暉
留樹鳥聲圓詩筆絕佳胞弟純廬

秉懿

丙午孝廉幼失

怙恃詩律皆受教於兄計偕來京時相過訪曾記其昆
明湖卽景二律云澄波千頃漾昆明秋到湖邊萬景清
遠岫參差時挹爽奇花多少不知名地通閬苑纖塵絕
樹繞長隄溼翠橫此地自來人迹罕常聞鸞鶴碧空鳴
天開名勝 帝王州多士翩翩並袂遊戲水魚苗爭出
沒忘機鷗鳥自夷猶夕陽紅映鴛鴦瓦山色青搖翡翠
樓十二闌干閒凭徧人閒始識有瀛洲詩甚清麗蓋自
蘋村宗伯至中翰昆仲蟬聯美胄五葉於茲非特吾湖
少其匹也

莘芹圃

開

字季張吾邑武世家也祖某效命疆場諸父

與兄皆爲守備千總季張少入伍忽忽不樂赴院試補

右岸好讀書精篆刻尤工繪事爲沈芥舟茂才

宗壽入

室弟子芥舟女弟子徐湘生

苗

亦善畫芥舟爲作合焉

家極貧伉儷情深煙雲供養性耿介絲毫不妄干人有
非力不食者遠祖棗強令叔耕先生

野

善畫梅居蓮花

莊歲壬寅季張徙居於此賦五言云返宅蓮莊上眞於
雅性宜看山開別牖滌硯俯深池母老供炊早兒頑促
讀遲家風猶不改清節仰前儀題畫詩多隨手散去又
見題畫竹七古筆力破餘地歿年僅四十六湘生贅居
亦以畫自給

楊元鼎茂才

知新

寄示近作有表忠觀詩劒寒州十四

弓燥弩三千樹壓高峯翠花開紫陌妍神似竹垞又登

寶石山天然圖畫閣詩歸味餘驚和云盤空磴道幾回
登此日追遊我未曾名士有詩多入畫好山無處不歸
僧野花半落過蒼鼠崖石將傾護古藤疑欲誅茅成小
住與君結夏證南能

胡歐菴

以權

子霖若就傳歐菴爲古詩一章云此兒爲

佳兒耶爲癡兒耶事未可知兒之生以七夕小字牽牛
也固宜兒之長方六歲遽使負薪也非時我不望兒爲
江夏之黃童亦不望兒爲扶風之白眉我聞古之就學
者以十年爲期古之教子者以一經相遺兒可執卷而
講爾業登堂而拜爾師弱駒之齒兒雖未墮雛鳳之聲
兒則堪追兒勿學乃父之悲歌慷慨而讀楚辭兒所以

承乃父之教者惟有魯論與毛詩霖若從元鼎茂才遊
元鼎夏日雜興云勿慢悲歌讀楚辭克承父教是佳兒
魯論課畢應何事毛鄭薪傳但學詩蓋謂此也歐菴早
沒霖若未弱冠遊庠爲後來之秀

德清戴翁

士宏

年八十三精神完固嘉慶元年產元孫

一堂五世其子教諭

恪然

等侍側者十人爲吾郡所僅

見丁巳春大吏援例

題旌錢塘梁山舟侍講

同書

詩

吳羌山水南村喜氣爭誇獨行門鑷髯阿翁還事祖
含飴稚子更生孫百年耆壽光潛德奕世繁滋裕後昆
不但私家傳盛美 四朝涵養識深恩同邑許春巖方
伯祖京詩家門聚順著茗川步履優游公度年自昔重

闡承燕翼卽今五葉見瓜繇雲初世美延餘慶大小經傳屬象賢一室衍祥瞻御藻和平景福錫從天

蔡封翁

人龍

德清人癸丑翰林

之定

父自號西掖居士

性至孝家貧以筆耕養父母一時名士多出其門博治工詩文獨拙於書刻小印曰指不若人操節耿介幼隨父公車入都與王文莊

際華

梁文定

國治

同學相善及

二公貴從未一往以諸生老著有積穀山房文鈔八卷候蟲集詩十卷其舟出臨清云秋霖新霽後薄暮出臨清一片空明月孤舟獨自行波喧驚客夢野曠怯人聲曉起推蓬望參差參斗橫謁孟廟云七國雄圖付劫塵巖巖廟貌此長新雲霓未遂興王志檜柏空留古殿春

學孔情難忘弱魯忠周義不入強秦漢經宋理非心法
千載憑誰繼此人故自超脫他若詠史諸作筆高識老
獨出冠時會當行於世也

吳興詩話卷十

吳興詩話卷十一

烏程戴璐菴塘輯

寒青子慎韓雲閨人曹秋岳詩吳興慎夫人能以髮繡
大士及晉唐諸帖細極毫芒宛從筆墨閒出非徒古所
稱鍼神也題句云幅幅青垂寶鬢長鉤簾深映墨花香
笑他多少寄鍼客空向天孫致酒漿桃柳新栽落葉紅
湖樓龜冷事梁鴻直須譜入高人傳玉質冰心十指中
徐蘋村和詩細擘青絲蠶尾長金鍼譜出妙墨香還將
筆墨爲箕帚玉案高擎饋五漿不道龍眠屬女紅繡牀
隱鳳與飛鴻可憐鍼帶辛勤處長在濃香冷月中

吳興女子陳小住爲朱竹垞畫扇作並頭蓮竹垞集句

贈云可愛深紅閒淺紅滿池荷葉動秋風縈回謝女題
詩筆一片西飛一片東

吳太安人明御史振纓女適沈贊善

三曾

集未見子倫

翁集吳子惇談及壬辰秋同戴翼皇枉過溪堂出詩牌
集字先太安人亦集一詩先成出示共相歎賞聞言悲
泣輒成長句韋家紗幔鎮長垂綈几親裁集字詩穿就
明珠光有耀緝成碎錦跡難窺堂前才士思韜筆階下
諸兒強綴詞何事謝庭誇散朗因風隻句枉稱奇

余見

人手書花夢軒詩詞隨筆有秋夜花夢軒集字詩云皓
月來深院正鴻過小樓銀釭偏獨對玉鏡渺難留蕉影
浮窗碧香煙繞座幽娟娟秋夜寂

此際更多愁或卽此耶陳焯附識

丁瑜字靜嫺長興人適御史臧眉錫

眉錫

從宦魯山聞姑喪

哀毀卒有皆錄軒集子長源刻行西泠九日云晚煙迷

古渡風霧鎖秋峯葉落梓亭滿溪流竹徑通尤傑

張秋水太史

映斗

母史太孺人有還章姬遺珠事太史

葺丙舍爲亭沈總憲

近思

榜曰還珠吳文簡

襄

題詩云

吳興有賢媛禮法樹矜式論定揭大端卓哉無苟得閭
姬鬻百琲醉墮紅羅襦不貪爲我寶胸中自有珠流年
女宗謝執紼親朋來姬年過八十雪涕銜餘哀姬且勿
復哀賢媛未曾沒不見還帶橋古藤縛碑碣

楊芬字瑤季蘇州楊

維斗

季女適歸安御史沈

懋華

有

瑤華集詠鴛鴦云春暖池塘煙草齊彩毛初浴淨無泥
眠沙聊借莎爲褥戲水還將浪作梯繡出羅衣相對舞

織成錦帳一雙棲
菱荷香處深深穩
一任虞羅障碧溪

楊克恭字德基江都昭武將軍

捷

孫女適德清徐抑齋

志巖

封宜人有蘭藻閣詩五疊坡公詠雪尖又韻其佳

者如家瓮且嘗花露酒官鮓疑拌水晶鹽煙迷巴峽猿

嘯影香冷孤山鶴守家刻曲興闌應返棹灞橋吟苦未

歸家抑齋亦和二律金德人

順

和詩耐冷人如霜後菊

坐禪心似水中鹽粉本雲山開畫稿白符芝采現空花

董琴字嶧蘊烏程副貢

亮

女適蔡雲早歿有靜吟集如

初夏云雨餘濃翠侵書潤風過殘紅入硯香又董三鳳

妻金氏吳人著綠窗閒詠又董紹宗女董嵩年妻董芭

堂運使妻徐氏董鈞妻周氏俱有詩附刻董氏詩萃

溫慕貞烏程人適朱時發妹廉貞適王靜甫俱寡共著
隱硯樓詩佳句如田畔蛙聲喧雨後澗邊桐葉報秋遲
餘多淒楚之音

吳氏安吉人徐顰錫室有上元詩一龕燈禮三生佛厭
聽兒童唱采蓮

虞源德清人苦節有題畫菊詩

沈淑蘭字清蕙號吳興內史歸安人知縣彥章女適吳
方枚有黛吟草憶姊云離情種種憑誰訴怕見園開姊
妹花

顧季蘩歸安張瑤莊九軺妻康熙九年夫亡烈殉有句
云憔悴綠窗人事改寂寥簾外竹聲清

沈關關字宮音吳江人適烏程王珣工髮繡山水人物
曾爲顧茂倫繡雪灘濯足圖名士多爲題詠竹垞亦有
題句

陳氏德清舉人

尚古

女適王某有止一齋集碧浪湖云

浮玉雲根出寒塘水自流

姚世鑑字金心玉裁姊適王立夫

豫

春感云東風庭院

林鶯語斜日簾櫳海燕飛九十春光今已半行人到此
也應歸又有梅花香裏待春耕句見姚集與女姪元吉
等編姚氏三秀集高東井孝廉

文照

作四六序復題詩

云豔事傳聞甫見之蕤華蘭馥恰同時亂堆芍藥蒲萄
錦全抹春椒秋菊詞姊妹徽卿都絕妙家庭衛錄有餘

師峨嵋山客何須羨輸爾森森林下姿金心女安甯亦
工詩有女繡英受髮詩無幾隨肩髮已齊學梳雲鬢侍
親闈願天憐取孤雛在裙布還祈換錦衣

汪韞玉字蘭雪歸安竹林人適金若川有集送外云已
憐客去春兼去那更帆飛花又飛又絕句偏是樓高先
得雁故書人字向南飛若川甌山人是檜門總憲族

沈淑孫御史

懋華

女孫十四歲有春閨詩許紀汝偁未

嫁歿遺畫蘭一幅題句云獨坐寫幽蘭圖成只自看憐
渠空谷裏風雨不勝寒

吳受竹長興人有萬卷樓詩鄧汝功序稱爲師母而未
詳所適有歲杪詩飛揚意氣曾何用一局殘棋百本書

（吳）詩話十一

湯朝字蕉雲別字華嚴女子金壇人適長興沈子慕有笙磬同音集早賦金鳳花詩得名寄跡蒼苔曲徑邊芳菲已過豔陽天丹山有侶難生翼蓬島無名也號仙籬菊曉風交甚淡海棠秋月笑爭妍若教飛上秦娥指別有清音促夜絃子慕有看劒圖王立夫豫題句云蕉花蕉葉鎮相憐晚結精廬傍善卷得似東坡有田否便應賣劒買烏犍謂集中有蕉葉蕉花祇自知句也

沈蕙字晚亭烏程人適震澤歲貢倪

學涵

有聊一齋詩

四箴足補班氏女誠擬少陵七歌風格蒼老五律佳句如留賓窺阮籍封札報秦嘉斜月臨衣桁名山出畫叉畫裙飛蛺蝶釣艇集蜻蜓岸圻苔埋碣橋滌市傍汀紀

心齋太僕

復亨

序之并輓詩云幼婦詞名動笠湖烏絲

畫格寫官奴一從病骨憐秋鶴手執楞嚴傍藥鑪鯉魚
風起別倉皇書報平安路阻長從此招魂何處所澹煙
寒雨綠葭莊

晚亭詩句

蓬門辛苦葺煙蘿觸手紛紜棘刺多

何處無愁商女曲叩舷解唱定風波

丁文鸞字鳴和長興洧川令

櫛

女適海鹽庚戌進士沈

燮文

有倚雲樓詩九日云今來古往閒中意紅樹青山

望裏秋

茹芝字紫秀德清人有和依綠園十絕

孔繼孟字德隱桐鄉人適烏程夏祖勤節孝旌表有桂
窗小草如白秋棠云柔枝合綴湘妃佩弱質羞熏賈女

香姊繼瑛字瑤圃爲桐鄉同年沈青齋觀察

啟震

母迎

養山東運河道署封太恭人工書畫詩尤卓犖示兒云
賜錦初披新樣紫遺瓊莫忘舊時青其哭夫述懷諸篇
尤沈痛憶青齋官刑曹母壽七十余祝詩云椒菊流芬
重藝林板輿花下富清吟早貽詩禮傳家學每問平反
識母心母爲首肯青齋祖入湖庠附錄于此又孔素瑛
字玉田金尙東室工書畫詩文有飛霞閣集蘭齋書畫
題跋

錢孺人勤芳歸安人余外姑也外舅遠館自課二女所
作不以示人與表妹姚元吉最洽姚有登寒鑑樓寄懷
詩云溪山似畫柳如絲極目悠悠感我思春水一灣舟

一葉去年今日送君時

姚益敬字元吉玉裁女幼時誦木蘭詩問父曰朔氣傳
金柝寒光照鐵衣著色實爲大雅若鋪排過多恐近小
說父大奇之適辛未進士扶溝知縣董豐垣早歿贈孺

人著芬陀利居稿厲樊榭序以歐陽公目謝希孟有古
幽閒淑女之風爲比詩如夜繡云愁寂深閨夜向闌繡
牀坐對一燈殘頻添絲線知宵永漸澀金鍼覺指寒楚
楚花枝香滿袖娟娟霜月正當欄幾回飲罷還相謂晝
短工夫促較難清婉可誦父哭詩廿二首如十歲言詩
有性靈木蘭愛說替耶征黃泉不是黃河水聞否耶孃
喚女聲弱女非男已自悲笑言聊共一編開幾時寂寞

燈窗下重見殷勤問字來貧家生小儉梳妝竹筥練裙
少盛裝繡得羅襦幾回著送終猶是嫁衣裳彩袖時因
戲墨烏誰禁東抹又西塗擡頭添得傷心淚牆角塵封
放鶴圖餘皆悽惋不堪卒讀

姚益麟字竹筠號繡巖適嚴兆蓀早歿有吟香樓草高
東井孝廉

文照

題詞自譜新歌學竹枝桃花流水繫儂

思笑伊瀾浪煙波叟只解斜風細雨詞攜手蘋洲花又
開分飛有恨斷難迴水天日暮蕭蕭影可是吟魂踏草
來

吳年字古春號雪庭丙辰進士

聯珠

女適同知董

啟延

早歿有遺稿弟蘭庭序五七古俱有風格

汪亮字映輝號采芝山人桐鄉人適烏程費南喬善書畫琴奕嘗與錢香樹司寇對枰呈五古司寇和云山人名家女幽秉慕蕭散學畫師僧繇俗派多盡浣試以架上書答問多貫穿其傾倒若此

潘本溫字虹衢號茹芝山人散畦大令

汝龍

女適長興

嚴芳園有桐韻詩刪夢花小草夏日詩遠聞鳩語闌近看燕歸忙自然入妙境窮早逝姑嚴宗光字餐霞題詩草云春花秋月共評章翦燭西窗擊鉢忙婦德女工常自抑最煩心處是羹湯又有潘冷香爲某太守女孫適某久客不歸作柳絮四律未見全集

汪璫字催弟烏程人適德清徐茗花主事

以坤

有修竹

吾廬詩其從苕返德清詩云秋思入寒砧帆飛度遠林
溪分前路合桑密晚煙深白髮慈幃夢青年昧旦心孤
城遙在望鳥外見雲岑早歿嫂金德人順輓詩板輿花
下奉高堂憶共承歡似雁行今日手調羹臙在斷腸厨
下倩誰嘗深閨賸和幾年同黛管長攜破繡工此日謝
庭空對雪更無人擬絮因風

沈琳仙艸翁女適諸生吳丹峯有漢宮秋云誰將佳卉
屬劉家爛漫空教物有華金屋夜沈宮盡草雁門人去
漢無花虞兮解舞愁如結桃葉能歌興已賒往事不堪
秋色裏漫攜紈扇近窗紗惜未見其全集

張密秋水太史長女適休寧金員外

忠澤

有題汪連珠

墨蘭詩妙絕生花筆前生字若蘭早歿無集妹安適汪
璉亦有題句密女穎第幼秉母教能詩適家叔晴楓廣
文宸倡和頗多有蘭省吟稿年三十歿

嚴靜諸生西墅女九歲能書善畫竹閩人吳荔娘題句
繡閣遙鄰墨妙亭閒簾煤麝動芳馨晴窗書破洪兒紙
誰識金鑾未十齡琅玕嫋嫋影縱橫千尺寒梢一筆成
愧我未能工水墨此君風韻卻輸卿郡有才子未知所
適何人俟訪

杭州名媛汪夫人方芷齋集有壽茗溪卞薌州五十詩
笑指雲山憶舊遊詩人原住白蘋洲傳來妙句驚鸚鵡
賦就閒情寄海鷗薌州里居俟考知詩人湮沒正多

金太宜人

順

字德人太倉人中書汪

曾裕

室早寡撫孤

尚仁

九歲而歿李客山

果

作哀詞近刻傳書樓稿知搜

家難髮患之餘不廢吟詠育蠶織布二詩深得風人之旨其詠菊云自甘辛苦存高節天與清寒壓眾芳久閱繁華心已澹縱經霜露格彌高殆自況也鄭楓人滢雷紹堂輪二觀察作序陳無軒廣文焯題後云百首新吟見別裁清芬靡忒本天才閨中具美兼三者雛鳳投懷入夢來秀華奕奕映金支月露風雲枉費辭織布育蠶修婦職夫人要是女中師三年風雨感漂搖鬻子恩勤事未遙今日編成含惻愴蓼莪痛後淚難消余亦和云吟傳林下見鴻裁舊是庭前詠絮才黃鵠悲銜青鳥促

知從月府堂書來伶俜弱質苦難支制淚還拈幼婦辭
懷得敬姜隱戒逸蠶功自課莫求師早卻閨中金步搖
泥封疊捧報非遙遺編四十餘年出從此蒿莪恨可消
先姑諱韞玉號西齋先祖母夢謝太傅貽紫玉而生明
慧工詩適陳公半江淞三十未第抑鬱形諸篇什定省
過粵東觀音巖題壁有已超塵土三千界旋覺靈明四
大空未幾歿於潯州次年丁卯陳公登賢書故先祖哭
詩云苦促夫君上棘門誓非得第不生存於今果遂封
侯願只是無香可返魂夫婿京華報捷新封題溼處淚
沾巾爲言蟾桂雖攀得不見牛衣對泣人著有西齋遺
稿二卷汪文端由敦題詞斷粉零瓊幼婦辭凌雲高格

陋然脂槐花秋冷深閨夢蕙草春闌遠道思十載鏡匣
遺藻在千秋彤管賞音知最憐憔悴南交守腸斷庭前
詠絮時紀總憲韵題詞孤墳葬去一枝紅煙草年年泣
曉風怪得詞人多命薄香閨也被作詩窮硯匣琉璃鎮
日隨含情空付斷腸詞珠樓翠箔王侯宅羅綺春風屬
阿誰長歌一曲寄幽情鬱鬱埋香意不平彈劍爲君歌
慷慨悲風夜半捲孤檠茗溪流水越山青煙雨霏微入
杳冥應有詩魂消不盡黃昏梅雨影亭亭陳公官正定
同知贈宜人先姑長女彬字雲硯歸堂兄巽川禮有立
春云雪消殘臘凍梅占隔年春秋興云翠縷凋塘柳紅
衣謝渚蓮亦早歿

顏曉思字宛在桐鄉人適吳興貴公子不慧抑鬱而亡
有絕句云秋入重門夜似年麝蘭香燼不知眠梧窗坐
聽瀟瀟雨挑盡殘燈獨黯黯似此愁言讀堪腸斷況拈
管之人乎見鈕玉樵觚賸近有吳中女士江珠碧岑題
後云瑤井勞勞轉轆轤棲霜愁煞夜啼烏莫嗤南國無
香草世有招敖舉案圖謝娘嬌小病來慵咄咄生涯落
落胸願我習忘禪有力不妨蒙眼坐鍼鋒三生錯謬杳
難知風勞蓮花恨吐絲造物疾人知有種文章終古吝
蛾眉

吳興詩話卷十一

吳興詩話卷十二

烏程戴璐旅塘輯

織雲樓詩爲葉辛麓方伯兩夫人及媳女所作清深婉麗各擅其勝袁隨園目爲兩浙閨秀之冠採入詩話尤多周夫人名映清字皖湄歸安人年三十三早卒著梅笑集如寄外云春來又見哉明月愁絕休吟其雨篇過蘇州云霸氣銷沈無虎踞豔情宛轉有烏嘯揚州云三千殿腳如雲散廿四橋頭自月明秋樹云搖落深愁大司馬悲歌應識故將軍秋暮云破蕉浙瀝風如雨瘦菊離披葉勝花皆未經人道集中多七夕生朝詩又以愛梅故繪月明林下小照余題句云玉簫錦瑟感雙星早

歲驂鸞去不停他日營齋錢十萬月明林下溯遺型李
夫人名含章字蘭貞雲南晉寧人乙丑翰林大中丞鶴
峯先生女葉方伯繼室著繫香詩草詠晉史論古有識
不似巾幗語秦始皇詩云金虎宮鄰事可憐漫疑鶉首
賜鈞天終令六國還三戶空使諸生笑九泉車載輶輶
山有鬼舟行縹緲海無仙傷心萬里長城在依舊扶蘇
伏劒年雄渾詠嘲足使祖龍俯首夫人少隨鶴峯中丞
楚南撫署後十七年方伯攝大中丞事夫人復至節署
感賦云廿年擁絮鳴環地今日隨君幕府開畫角乍迎
新使節春風猶憶舊妝臺殊榮象服慚難稱遺愛棠陰
待補栽聞道江城輿頌美如冰樂令又重來情文流麗

眞得唐人三昧余題句云蘭綺門高女亦奇評量典午
筆淋漓魚軒擁過湘江日猶記庭前詠絮時

葉令儀字淑君方伯長女適同邑錢上舍慎著花南吟

草詩筆深婉善於言情以羸疾早卒病中爲兒納婦詩
云劬勞羸得病中身喜見華堂畫燭新祭醴敢忘先世
澤嘗羹恐是暫時人也知琴瑟能同調莫對壘鹽歎食
貧爲爾問安添一笑殷勤猶祝北堂春讀之增人淒惋
淑君得年與周夫人同余題句云汾水秋風愛擘箋浮
家湖上轉淒然問年恰並萱花落合向瑤宮伴列仙又
方伯長媳陳長生字嫦笙又字秋穀太僕卿句山先生
女孫適琴柯太史紹桂倡隨一室璧合珠聯警句如雨

滋苔蘚移蝸舍風送飛花繫網絲碧桃重似垂頭睡紅
藥殘如半面妝雲外鐘聲樊口渡雨中燈影洞庭船茗
椀潤添蘭葉露金鈴低語柳絲風清麗芊絲不拾牙慧
尤愛其遊隨園詩後半云一簾風月供濡筆六代鶯花
伴倚欄卻怪西冷山水窟尙無勝地臥袁安一讀一爲
擊節繪聲閣初稿如此所進更烏可量近代才媛有福
推方芷齋汪中丞新室錢浣青崔觀察龍見室鼎足其繪聲乎余題
句云清才濃福兩無妨袁隨園題浣青詩草句信得句山一瓣香
讀罷珠璣容作頌浣青在璞方集名合同行方伯次女令
嘉字淡宜適沈孝廉昌培三女令昭字蘋渚適邱太史
庭滢皆工詩次媳周星薇爲孝廉紹棻配年二十二賦

悼鸚鵡詩不數日卒詩云也知羽化空千劫可有魂來
轉十洲殆詩識也詩俱附刻集中余又總題云午夢松
陵迹已荒茗川嗣響叶琳瑯管彤也似烏衣盛恨不團
圓萃一堂

張氏江西德興人教諭

宿

女高東井室送回江西省親

詩途長念母自當還身賤難禁別淚潛時節輕寒輕暖
裏江程聽水聽風閒鶯飛草長濃春思月落潮平黯淡
顏記取樟亭今夕酒雙峯便是望夫山布裙一著減風
情累汝頻年贈遠行盡典金釵償宿券暗垂玉筍對寒
檠十春共我齏鹽味一第遲卿敝佩榮可羨鉛山蔣家
婦東方千騎擁專城

謂茗生太史張夫人同往叢山

茗生卽和詩云油

壁寧家久未還難忘持踵泣潛潛春移寂寂層樓上郎
在盈盈一水閒花底文禽多別夢鏡中仙耦比朱顏如
何發憤題橋日先遣鉛車返故山草綠裙腰最有情六
橋花亞比肩行船窗忽漫分雙影夢語依然共短檠徐
淑裁書緘舊淚杜羔及第盼新榮春潮不過桐廬去流
轉離心到越城

蕭山汪氏雙節詩後列閨秀有歸安張瑾英詩拂鬱情
懷各自知中衰門戶共支持寒衣對月縫來澀香稻春
芒炊得遲一母先酬歸室志廿年偕續柏舟詩同行同
願前無古彤管新編女士規詩筆清婉未詳里族妹瑤
英集古亦極自然千山萬壑暮猿吟

徐禎卿鬼見挪揄豈

易禁

蘇舜欽

明月有光生夜白

王士熙

只因偏照兩人心

劉禹錫

錫愁中相向展愁眉

羅鄴

看盡林烏反哺兒

黃庭堅

文字

一牀燈一瑣

文同

秋風丹桂長新枝

元好問

龍溪李母周仲姬二如居詩載有湖州邵貞七古詩甚融暢不詳里系葉持伯詩亦有題句李子比部威戊戌進士童試時陳無軒廣文客漳郡校閱其文決爲大器後遂與訂交詩當是無軒代徵者

先室沈恭人

芬

榆村先生長女幼慧有暮春一絕云數

聲鷓鴣過門巷罷秋千怕看茶蘼架春光又一年于歸後絕口不吟余每信筆拈韻頗能知其疎誤五十後持家勞悴兼傷愛女而終余悼亡詩茶蘼花斷少詩章雒

誦當年句有香卻賴推敲成畏友吟安一字幾商量施
太常同年極稱此絕謂深得唐人三昧再詢他作其實
無之蓋自然天籟不可解也汪訥菴駕部選入擷芳集
中並摘錄悼亡詩俾列名媛之後其意可感吳超亭同
年興宗寄慰詩劇聞沈痛抱沈疴掌上珠傾飲淚多生
女偏教憐愛甚從夫爭奈別離何藥鑪經卷縈新恨禪
榻茶煙感逝波祇覺髣蘇君酷似魏城宿草泣東坡孤
琴一曲幾迴腸揮手猶矜舉案莊卻怪杜鵑啼血淚漫
疑胡蝶夢荒唐鏡分泉路匳誰啟車挽香塵意自傷貧
賤不忘交且厚堂前義合重糟糠余和答云半生涉歷
幾羊腸月冷空幃偶夢莊官鼓聽時猶拓落冰絃斷後

更顏唐窮當餅罄憑誰慰冷待棉裝黯自傷最是過來人語痛貧家難得替糟糠昔讀趙甌北翼悼亡詩貧覺糟糠替倍難爲之心動今身歷其境愈覺沈痛不堪卒讀

戴佩蘅字蘊芳余姪女適編修閔裕仲詩名不及姊丁亥送余赴京云晏歲衝寒指玉京菰蘆思慰倚閭情編排梁棗謀遺集孝養咳華急遠征臺閣大儀綿世德風流水部繼詩名鞭絲帽影恩恩發到及春明聽曉鶯楚楚有致集未及編因裕仲無子病歿悲憤亦逝

陳瓊圃字閔眞號鋤月仁和人前母卽余姑適費錫田雲軒通參少子早寡有鋤月小稿遊山云繞徑不辭苔

薛滑拖裙恐被薜蘿牽夏日云時花繞砌芳迎榻瓦枕
何妨隱睡鄉

文人薄命才女亦然余女佩荃字蘋南幼慧學吟長工
書畫於繡餘拈句祕不示人一夕成茉莉二律雋句如
粉蝶每黏冰瓣睡珠娘偏愛綵絲穿妝殘玉靨涼酥滑
浴罷冰肌夜露寒喜閱紅雪樓傳奇題四絃秋云潯陽
江上繫孤舟感到官人淚共流更賴生花才子筆蒼涼
彈出四絃秋江口空舸冷翠鈿嘈嘈切切更堪憐淒清
百倍琵琶引一度吟來一惘然題空谷香云芳蘭自古
忌當門花落難回倩女魂如此情關寧永好傷心千古
漬颺痕題雪中人云高牙大纛嶺雲高敢負湖堧贈緼

袍知己感恩原一例果然寒餓出英豪適趙

日照隨翁

鹿泉先生西江使署忽畫長亭分別神貌如生并繫以詩未幾歿年僅二十三余哭詩一夕成二十三章最慟者云才調寧期效謝家烏絲妙格學簪花零牋斷楮誰收拾猶憶巡檐手慣又幾疊紅牋語萬千思親淚湧耿無眠心癡欲作隨陽雁飛向南天又北天淒絕霜高夜向闌無言嗚咽淚珠彈豈期馬角無生日望斷廬峯面面巒無端游戲寫長亭病裏丹鉛手不停誰料一時成絕筆花黃雲碧去冥冥吳超亭同年輓詩云椒吟茗賦古兼推門地誰將品地該天女香隨花雨散蘇姬才薄錦紋回尊章泣月驚秋到慈父牽情促夢來他日一編

傳兩姓班箴史管見親裁內弟冲之句云柳絮椒花未
足推愛伊才德一身該芳齡正好圖團聚大藥何期莫
挽回秋月滿輪人遽去西風捲幕客重來征衣漸覺驚
寒至刀尺憑誰爲翦裁陳長生女史輓句云桂花香滿
月圓初驚說乘風返碧虛料得廣寒清淨地修文正待
女相如楊拙園

知新

題詞云生來慧質雅能詩遠道思

親淚暗滋約略西江風雨夜銀釭黯淡苦吟時解識之
無自妙年學書台度本天然誰知美女簪花格妙腕臨
摹欲鬪妍仙遊正值月團圓扶病萱堂泣歲寒隔歲九
泉重見母魂依膝下不愁單房中友愛樂如何記取當
年倡和多今日珍珠零落盡空教老淚灑滄沱時二女

亦亡故云女名詠繫字沁香適韓汝翼隨父任永年縣署女有思親詩云千里思親魂夢牽長宵輾轉未成眠相憐惟有天邊月半在京華半永年歿年二十五姑哭之慟夢女口誦詩云忝侍仙班第一流重來喚到廣寒遊姮娥念我凡緣滿休在人閒等白頭寤而賦詩云可是蓬萊第幾仙謫來塵世未多年寒門那得相留住月貌仍歸兜率天

超亭別駕歸攜蘋南遺草示夫人莫蘭芳

兆椿

亦次韻

題後云花飛切莫怨春殘斑管芳葩夢未寒北斗倚天雲許望西江縮地水愁寬客霜誠覺驚催易愛日無如促就難一卷蘭陔情幾溯歸魂應復到長安女宗小戴

近堪推詩教還將禮教該片篋猶供今百讀寸腸倍憶
昔千回伊誰手盥薔薇去料自心傳錦繡來爲采蘋蘩
書內則僅祁想見古丰裁

吳興詩話卷十三

烏程戴璐煎塘輯

吳梅村祭酒

偉業

送武康令姜

會昌

詩花發訟庭香松

風夾道涼溪喧因紙貴邑靜爲蠶忙魚鳥高人政煙霞
仙吏裝知君趨召日取石壓歸航風景宛然允推絕唱
宋荔裳觀察琬訪吳蘭次太守綺來湖有夾山漾詩烏

柏新紅迎屐齒青山積翠溼巾車贈蘭次云登臺檻外
青山出露冕車前白鹿來峴山云殘雪樓臺聞梵唄夕
陽鐘磬在漁舟孫太初墓云百年樵牧迷華表一代文
章有布衣又偕十三人遊道場山作唱和詞序余慕茗
中山水舊矣今年秋杪便道赴吳門因而至焉將抵郡

城數里望見山上浮圖掩映於白雲紅葉之間舟師指以告曰此道場山也余聞而躍然約二三同志造其巔兼訪太白山人墓酌酒賦詩居無何藥裹果旬瘥而楓葉盡脫向之丹紅黛綠者裸而髡矣仲冬五日微雪初下扁舟往遊出郭門日已高春舍舟遵麓未及半而暝鐘作焉寒風颯颯動人心魄歸乎舟中客有悔其遲出者有曰惜未攜襪被信宿山間者余笑而慰之曰杜少陵不云乎佳處領其要凡事皆然而況遊乎諸君喜飲酒盡五石而散同遊者十有三人各賦詩一篇具如左

嗚呼太初有知或以不見余等爲恨哉又同孫杞瞻

章遊白雀寺贈余乘輿却之以詩曰蕭散渾如退院僧

肩輿俗殺倚孤藤老來筋力偏頑劣試問支公能未能

王東亭

士禪

與宋荔裳葉元禮

舒崇

遊道場山其賦五

言詩東亭先成漁洋云羣公歎絕以爲微雲淡河漢之

比計甫草

東

廣說鈴云予與鄧孝威觀宗鶴問

元鼎

王

東亭同遊茗雪詩每先成是東亭久客湖州西樵亦有
杭州詩獨漁洋未至兩浙耳

王漁洋景陵吳旣閑詩序先生父白雪公名文企守吳
興得一石於郡齋地中鐫玉筍二字識者謂爲元豐舊
物去官惟攜是石以歸吳興人美其風操以比子瞻竹
垞詩話白雪所著菰蘆集頗饒清韻其歸雲庵六言詩
施愚山輩俱有和作

宋荔裳集有高二亮姬人哀辭序云渡蒼霄之溪迎來
桃葉重海棠之價聘以梅花詩云片帆訪麗茗溪曲載
得嬋娟名碧玉惜不詳其姓

吳綺字蘭次江都人拔貢授中書奉詔譜楊椒山樂府
卽擢兵部員外升工部郎中出守吳興人號三風太守
謂多風力尙風節饒風雅也山水遊讌極一時之盛嘗
於愛山臺修禊吳梅村贈詩六客堂西禊飲臺亂山高
會嘯歌開塔懸津樹雨中出鐘送浦帆天際來同輩酒
狂眠怪石前賢墨妙洗蒼苔右軍勝集今誰繼仗有吾
家季重才徐健庵乾學贈詩云隋隄碧柳曲江花才子
揮毫賦落霞夜坐石牀題險韻朝逢竹馬擁行車春來

醅發烏程酒雨過香生顧渚茶莫憶竹西歌吹好前溪
妙舞盡吳娃官舍焚香簿領閒清風高韻是神仙右軍
載酒羅車騎小杜題詩雜管絃笠澤水光晴鏡裏弁山
樹色晚霞邊江湖長可輕官職五馬如乘范蠡船湯荆
峴賦贈詩云僊郎起草最知名幾載褰帷雪上行按部
雨餘香稻晚課農花發曉雲輕南宮書畫添新譜李相
亭臺續舊盟聞道賓朋常滿座清尊真見古人情未幾
罷官梅村贈詩官如殘夢短客比亂山多幾年稱傲吏
此日作詩人繆雙泉彤和詩烏隨游客棹花戀去官人
歸田後葺園曰種字林晚病目號聽翁工詩詞四六著
林蕙堂集有毘陵女子日誦把酒囑東風種出雙紅豆

句又號紅豆詞人施愚山侍講

閏章

祝六十詩政成柳

惲高吟地客占滄浪舊日亭

漁洋未至吳興而集中有懷東亭湖州詩吳興白雀寺
杳杳舊禪棲聞訪名僧會扁舟向雪溪秋懷千里外雪
淨五湖西遙夜蘋洲夢江南路不迷

漁洋送洪昉思

昇

之武康詩見精華錄尙有答昉思送

湖州茶筍詩愛道前溪似若耶行旆歸去便攜家恁恁
未訊溪山好第一先分顧渚茶周妻何肉斷根塵玉版
聊堪結淨因贏得武康斑竹筍從今莫笑庾郎貧又聞
張公綬談武康山水詩吳興清遠水晶宮轉入前溪路
不窮最愛放船人日好野梅修竹古防風又送韓武康

詩清遠吳興郡防風地最幽焙茶春庵靜收蠟午煙稠
問俗知餘不懷人弔隱侯到來矜拄笏紅葉滿山秋韓
名逢麻山東都諫庭芑子

查他山編修

慎行

登莫釐峯望吳興諸山詩吳會諸峯

繞作環荆溪百瀆瀉成灣西南遠景新收得一髮螺青
是弁山雨中陪座主徐公及韓丈子遽放舟夾山漾登
峴山作過盡迴溪十里長孤城回首漸微茫風腥曉氣
魚蝦斷水減秋痕雁鶩鄉菱蔓欲牽絲已脆荷花雖敗
葉猶香船頭忽指前遊處白塔紅亭認道場野色天光
入望奇融成一片碧琉璃展開手卷王蒙畫收拾才情
杜牧詩畢竟清遊宜寂寞尤難好景是迷離桃花莫被

漁翁誤秋在斜風細雨時選勝初期汗漫遊樓賢不到
恨空留橋低忽礙尋山路興盡非關冒雨舟瓦竈分泉
烹紫筍印泥開甕試青莢買田合向吳興住蟹舍漁莊
一網收亂石多成劈斧皴窪尊亭外勢嶙峋一州文物
傳孤碣前輩風流剩兩人屏擁弁山高簇簇簞鋪雪水
細粼粼名園長泊鷗波畔細數陪遊第幾巡又泛碧浪
湖徧遊近山諸寺觀次東坡泛舟城南會者五人韻四
首云蒨田秋漾碧鱗鱗依舊清風起白蘋且喜此遊客
我輩不知當日定何人鱸魚入饌羹尤美鷗鳥迎船意
亦馴載取烏巾名釀去黃柑甯數洞庭春木樨香透老
僧齋爽氣迎人樹樹皆詩興賴君多撥觸秋光爲我洗

塵囂岵山客到茶如雪
箬水船移酒似淮
已辦芒鞋斑竹杖
丹梯隨意轉雲階
道峯負石還兼土
遠岫當窗晴可數
花到秋林不喜紅
竹生幽澗何妨苦
平鋪稻壟翠千頃
高引炊煙青一縷
斜陽緩緩送遊人
出谷猶聞上方鼓
佳處溪山意未厭
塔鈴一角響風檐
煙波野渡初迴棹
燈火河房半掩簾
愛客不嫌官獨冷
過時誰道日長炎
敢誇豪氣除難盡
痼疾應從好友砭

武康令傅豫江

克生

江西進士行取入都徐蕢村宗伯

傳

送詩云花署曾經一棹將
官衙竟似讀書堂
琴邊聽治朱絃直
雲裏朝天玉鳥翔
可有風情同畢卓
莫因啟事惱嵇康
芙蓉幕內鳴珂出水佩
風裳拜夕郎

德清令趙

文彬

字質庵吳人與徐宗伯談吏部多倡和

之作爲政以寬五月張燈以頌宗伯作歌云區區火樹
代甘棠欲鑄黃金知幾鎰欲樹豐碑誰信筆不知千人
萬人一寸丹鎔金化鐵注銅盤又送行詩滿船行李書
千軸萬戶香燈月半痕又有送何紫雲明府任西城指
揮詩文章水部入僊班遺愛風流若雪間德清令志表
無其名或是歸安何國祥江甯拔貢在任十年

上元黃

周星

字九煙前進士流寓湖州墮南潯河而卒

有贈丸丸詩云金闕瑤臺豈易攀忽從天上落人間書
傳閬苑絨珠淚珮解湘皋綰翠鬟楊柳路邊還有路
蘼蕪山外更無山相思何物縈春夢紅豆青絲琥珀環又

憶公車過新嘉驛覓女子詩不得感賦云文章幾度弔
秋風碎玉遺音夢亦空若使驂騑悲阜棧何殊鸚鵡殉
雕籠題冒巢民春暉園云夢老尖山五十年今朝始得
卧蒼煙三峯已叩生公石一水還浮米芾船海國衣冠
名士會醉鄉花月美人天豪情勝事真千古那羨蘭亭
共輞川

李秋錦

良年

爲顧氏甥少遊吳興有飲顧氏舅宅感舊

詩又吳興竹枝詞云日出潯南煙水黃小樓如畫酒旗
長玉瓶細汲春風起吹入糟牀滿店香阿儂家住玉湖
濱種竹全勝畫竹新妒殺年年天聖寺郎來只說管夫
人尊前勸客早涼生箏館毬場最有情樂府南朝零落

盡前溪只有竹枝聲又白雀春游詞云樹杪珠宮百尺
臺春城千舸一時開山前白雀無消息惟有紅妝歲歲
來闌干曲磴挂斜暉羅綺凌空到竹扉緩步不知山逕
杳吟雲多傍襪塵飛往日朱門只斷垣舊遊金谷亦荒
原募錢衲子看興廢鈿朵珠銜又一番

華亭董

令

字闔石順治辛丑進士慕吳興山水泊舟碧

浪湖暢遊半月臨行題峴山壁上云白蘋洲畔蓼花橫
小艇煙波任意行擬向吳興賦招隱採菱纈繭寄餘生
所著三岡識畧爲國初野乘之最

茅楚畹

薦菴

於康熙丁未客蔭次太守郡齋施愚山來

茗咎詩挾策悲歌憶帝都談經郡閣復遊吳高齋松雪

開書帙美酒烏程滿玉壺夜雨官亭歡故舊春風畫舫
人江湖白蘋洲畔同君坐雅詠還如柳惲無是時已占
長興籍己未第三人及第尋卒愚山哭詩尤慟

愚山來茗到處留題無體不備其同藺次晚集歸雲庵
云盡日看山徧招提戀夕遊蒼巖陰帶雨碧樹老禁秋
池憶仙人酌亭因處士留同舟仍載酒吟向白蘋洲資
福寺云共是疏篁裏香泉別眾山石樓寒佛寺茶竈接
溪灣片雨前峯過高松獨鶴還閒來坐明月橋畔聽潺
湲

山東甯海李繩其

永紹

康熙乙丑進士宰烏程有循績

徐宗伯贈詩士喜文翁到民歌杜母遲勸農攜餉饁聽

訟絕鞭笞園內葵都拔庭前鶴亦飢日邊丹詔下境上
羽輪馳赤棒騶前導金章肘後垂旋行取入御史臺十
年至戶部尙書越十年武進唐益功執玉癸未進士宰
德清行取給事中歷官直隸總督兵部尙書湖牧令除
二公外尙無任科道者

峴山逸老堂祀歷代名守吳藺次題其額曰吾師乎鮑
西岡詩云清遠吳興郡溪山頗擅奇風流幾太守寂寞
一荒祠亂壑鳥鳴處深林日落時瓣香空復在望古有
餘師不是羊公跡堂因逸老存野煙沉郡郭水氣護漁
村細竹延山徑莓苔養石痕曠然懷古意小酌醉窪尊
曹炳庵掄彬黃平人康熙己丑翰林出守湖州徐恕齋

侍御贈詩云熊幡遙指古吳興簿領還將掌故徵官況
詩情誰得似水晶宮裏玉壺冰板輿奉母出東華五色
萊衣麗彩霞想見承歡官舍裏汀洲采得白蘋花

唐改堂太守

紹祖

江都人康熙己丑翰林由刑曹出守

吳興先祖賦五古贈行極陳郡中積弊到任日鮑西岡
爲長興屬吏上詩云二分明月六朝蘋鄉夢官心兩絕
塵一代門才推覽舉千秋地望等荀陳白雲樓畔曾題
字玉筍班中早致身不獨吳興頌名守由來廊廟得賢
臣太守初以漢軍輕之讀詩相見恨晚西岡卽延姚薏
田等名士入署論文外無他事姚作吳興太守行起句
唐公多美政第一是停徵厲樊榭自杭至投詩云朝正

尙憶蓬山直課績應同韻海傳接任爲涇縣胡琴崖太守承謨康熙庚辰進士原守福州起自田間到卽延致

諸名士修六客堂文讌無虛日時年已七十論文忘倦沈綸翁贈詩云溪山有主雲霞麗庭館無私草木香湖志殘缺聘諸名士修輯體裁盡善其舊聞一門尤備吳興掌故序爲姚玉裁代撰六客堂記亦如之

鮑西園鈔字冠甫雲中人隸漢軍年二十七宰長興開

復再任前後幾二十年風雅好士與沈綸翁先祖吳山樵姚玉裁諸先生尤密初稿吳興集已十餘卷勝蹟留題殆徧修太白山人墓勒碑尙存道腴堂集詩法新城梓工精好惜編止甲寅以後詩散佚失傳厲樊榭贈詩

云億昔共年少論詩官閣曾赤衣今日盡白髮再來增
會面山雲隔彈琴溪月仍他時傳俊逸爭號鮑長興西
岡輯亞谷叢書載長興縣治築小簇園繪爲長卷戴按
察潘明經類折姚茂才世鉉各賦五言絕十二首共爲
一冊膠西高南阜鳳翰復爲小冊按先祖詩集已失載
謝太傅葬長興三鴟岡名鄉爲謝公今呼太傅岡西岡
詩云三鴟岡上草芊芊萬劫猶存太傅阡南渡風流推
雅量東山絲竹想當年

安吉牧高

崇徽

涼州舉人清儉刻苦幕客嘗有句云共

說桃城官是佛誰知蓮幕客如僧蓋官厨恆不設肉云
其治行載郡志

長興芥茶名品朱高安相國撫浙日鮑西岡以二器獻
之受譴按舊聞載李于鱗爲浙臬徐子與中行以芥茶
餉之比問及已賞輿夫西岡其仿古而爲之耶

歸安吳小眉侍郎

應棻

有柳邊覓句圖王樓村

式丹

題

二絕云客裏行歌是幾年年年楊柳故依然樊南別有
清秋怨不爲斜陽不爲蟬秋自蕭疏春自狂寄愁何處
與禁當曉風殘月夢初破唱徹蓬萊柳七郎

王懋訥字懿誦號抑夫寶應樓村殿撰子康熙己卯舉
人武英殿校書宰烏程繪牧牛圖沈綸翁題云郊原
雨後草齊青閒領春光過別汀知以牧民心牧犢不須
重覓相牛經放牧何如被牧驅人間憂樂本歧趨慙余

不達無生妙

明府喜談禪

只愛華陽作兩圖菁山茅屋著綸

翁短笛斜陽趁牧童公若政餘來一訪便應身入畫圖
中近於少林太守宅見圖尚有吳五峯沈東田沈蒿師
姚玉裁諸公題句明府養痾避暑歸雲庵稱與陳凱齊
聞三藻亭昆季同遊次陳凱齊韻云何處堪避暑清陰
綠野中一池瓜蔓水四面稻花風徑僻塵寰遠心安火
宅空晚涼看月上先照嶺頭松何處堪避暑相攜上二
峯院深無日到門靜有苔封酌水風生腋登巖雲盪胸
心清聞了義歸及上方鐘有挂瓢堂詩箋現存庵內殿
上書無緣大慈額亦存集中又歸雲二絕云曾聞嶺上
白雲多幻作奇峯意若何留與山中伴孤鶴羽衣霧葉

兩婆娑萬壑千巖矗面開從龍昨夜自天來人間自是多霖雨何事閒雲出岫來題佛殿聯云翠竹黃花爲般若何說何聞始信法門不二嶺雲溪水入陀羅卽心卽境可知佛乘無三山水盡天真相看不厭耕桑皆我力此外何求題挂瓢堂云黃鶴已隨高士去白雲常伴老僧眠

愷齊名鶴年教諭聞三名捷中書藻亭名詩癸丑進士揚州太守

嚴海珊有歸雲庵問抑夫明府病詩明府出都時先祖送詩四首其三云義獻相承行輩尊槐街及見履綦存十三梅本編詩卷廿四橋闌醉月痕蘭臭並敦推古道菜根能斷記名言歐公不少歸田錄相國池頭好細論自注壬辰春樓村先生以咬菜留先澤焚香問自心句

見贈先生有十三本梅花書屋圖長子懋謚孫箴輿俱與先祖辛卯同年曾孫嵩高卽少林余癸未同年明府孫斯恬孝廉亦與余善羣紀交情已歷四世矣

王抑夫明府送宋宜揚歸里詩數年茗水上交契見情真千里雲山路七旬風雅人詩篇多感舊書法更如神此別應同首相思在白蘋陳無軒廣文

倅

云宜陽又作

賜名文光書法圓美仿趙松雪居西門外包家園年垂八十貧死

倅

幼過其居石刻在庭前蓋翻刻趙書者郡

中佛寺尙有題額讀抑夫大令詩亦許其書詩篇不得而見子孫無聞也棲賢邱氏堂有七字聯爲宜陽書

嚴卧山

英

山水得小米法尤工松竹名載畫徵錄抑夫

明府題登高圖又題結茅圖云板橋流水傍柴門重疊
青山遠近村自愛輞川自摹寫也如仙翩謝龍樊竹林
如簣君歸日桃葉成帷我去時記取溪山幽僻處白雲
紅樹最相思同時有茅天石麟善山水張駕六御乘工
花鳥入都作河清海晏圖後有張少田咸似得其傳寫
真尤善

碧瀾堂題詠甚少座師秦西巖先生寄示令曾祖諱之
俊來劬先生遺詩有碧瀾堂月下納涼蕊訪蘭次太守
或謁座師沈維庵學士時也詩云幽徑宜休夏心期自
有真到門無俗物邀月對嘉賓燭跋重拈韻泉甘勝飲
醇莫嫌更漏促應念荷戈人避暑苦無地亭虛迴絕塵

風翻林鳥亂雲破月華新痛飲迫河朔高歌謝灑濱陶
潛誠解事甯作北窗人

吳興權歌竹枝詞美不勝錄孫司空

在豐

憶茗溪詞云

乍暖乍涼天氣半山半水人家處處迴風楊柳村村帶
雨桃花碧浪湖頭鷺立白蘋洲上花開初綠一篙春水
微聞半響晴雷亦自楚楚

顏肇維湖州絕句罨畫溪頭風味秋采菱溪女木蘭舟
遠山一帶青如洗幾處湘簾掩畫樓似隨叔光敦視學
浙西所作顏公試牘至今奉爲金科玉律鄉塾中無不
知有顏宗師者八宗師考卷亦以顏爲首

錫山錢梅溪

詠

字立羣吳越武肅王後也其先避金人

亂居吳興十一世祖宋承事郎名迪者始遷錫山至梅溪已十九世矣有詩二絕云蒼雪雙溪漾白蘋先公曾此避驚塵百年子姓多寥落說起湖州一愴神臨安宮闕但秋煙物換星移總自天聞道鷗波亭下路空餘芳草綠年年蓋錢氏與宋終始至元時多高義不仕其用意微婉頗得詩人之情

吳興詩話卷十三